



Bosnia and Herzegovina  
Federation of Bosnia and Herzegovina

**CANTON SARAJEVO**  
**Cantonal Civil Protection Administration**  
**Operational Center**

Broj: 04-40-1-150/21  
Sarajevo, 31.05.2021. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 08:30 sati 28.05.2021. do 08:30 sati 31.05.2021. godine**

Kantonalni operativni centar civilne zaštite je dana, 29.05.2021. godine u 11:10 sati primio informaciju od građanina, da je jedna ženska osobe na lokalitetu između Babinog i Javorovog Dola pala i povrijedila nogu, te da nije u stanju da se samostalno kreće. Dežurni u Kantonalnom operativnom centru civilne zaštite odmah je obavijestio pomoćnika za mjere zaštite i spašavanja Kantonalne uprave civilne zaštite Kantona Sarajevo. Po nalogu pomoćnika za mjere zaštite i spašavanja, u skladu sa propisanim procedurama angažovana je Služba za spašavanje iz lavina, potrage i spašavanje na vodi i pod vodom Kantonalne uprave civilne zaštite Kantona Sarajevo, čija su dva tima izašla na teren. Pripadnici navedene Službe su u 12:30 sati povrijeđenu osobu predali u nadležnu medicinsku ustanovu, čime je akcija spašavanja uspješno završena.



U izvještajnom periodu Kantonalni operativni centar civilne zaštite primio je četiri informacije o pronalasku NUS-a:

- dana 28.05.2021. godine u 08:55 sati, od građanina, da je u garaži na adresi Ulica Mostarska br. 9 (Općina Centar) pronađeno više komada municije,
- dana 29.05.2021. godine u 10:23 sati, od Policijske stanice Ilidža, da su u kući na adresi Butmirska cesta br. 159 pronađene tri ručne bombe,
- dana 29.05.2021. godine u 14:30 sati, od Policijske stanice Novi Grad, da je u podrumu zgrade na adresi Trg solidarnosti br. 23 pronađeno pet ručnih bombi,
- dana 29.05.2021. godine u 15:25 sati, od Policijske stanice Hadžići, da je u istu doneseno deset pušćanih metaka kalibra 7,62 mm.

O primljenim informacijama obaviješteni su pripadnici Tima za UES Federalne uprave civilne zaštite, koji će navedena ubojna sredstva preuzeti u narednom periodu.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 10 manjih intervencija: tri na spaljivanju smeća u kontejnerima, dva naručena spaljivanja dimnjaka, jednu na gašenju manjeg požara u stanu, dva izlaska na teren po dojavu da dim izbija iz stana, jednu tehničku intervenciju (zaglavljene lift) i obezbjeđenje tankanja goriva na Međunarodnom Aerodromu Sarajevo.

**NAPOMENA:** U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su šest manjih intervencija: to: tri na gašenju smeća u kontejneru, jednu na gašenju električne instalacije i dva obezbjeđenja.

**Iz općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljudi, kao i materijalna i kulturna dobra.

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodospodijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave iznosila je 6°C, vlažnost zraka 96%, barometarski pritisak 944,9 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.



web: <https://kucz.ks.gov.ba>

e-mail: [oc@kucz.ks.gov.ba](mailto:oc@kucz.ks.gov.ba)

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA  
ŠEF CENTRA  
**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>  
e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, 556-670  
Fax: + 387 (0) 33 556-671  
Sarajevo, Reisa Džemaludina Čauševića 1